

自序

徽州有志前明嘉靖間郭僉憲初修



國朝改州爲縣康熙初重刊縣志大畧卽郭本也嗣遭兵火鏤版就燬於今又百四十餘年因陋就簡紀載缺如欲考其山川疆域人物以及風會政教俱不可得如行暗室俛俛無之非官斯土者之耻哉壬戌之夏余來莅茲邑卽惄然於心維時烽烟甫息方謀調劑補救之不遑安事鉛槧幸不期年人和年豐士氣

徽縣志

卷一 序

一

蒸蒸日上癸亥丙寅適余硯友沈輔之明經兩次過余每從流覽之下必書所見因與援今証古囊括全史輯疆域沿革二篇反覆玩之則河池之名勝舊事已覺昭然在目已余復隨時哀集稍稍成帙戊辰夏奉

憲檄飭造節烈殉事八祀昭忠各冊參核卷宗隨事記述於是合採舊志證諸邑中之賢士缺者補之譌者正之冗者刪之書成釐其目爲八曰疆域曰沿革

曰建置曰職官曰選舉曰人物曰食貨曰藝文其於  
風土人物政教典章秩然不紊已已夏捐資劖劘俾  
一邑之真面目盡存焉稍寬守土之責免貽不學之  
耻斯厚幸已謂成一代醇備之書足供太史氏之採  
擇豈余之固陋所敢望哉

皆

嘉慶十四年歲次己巳知甘肅直隸秦州徽縣事候  
補知府海鹽張伯魁題

徽縣志

卷一 序

二

凡例

一 是編自疆域至藝文釐爲八志又於八志之下分列各門首綴小序所以明體例昭畫一也茲於小序之所未及者約舉凡例數條俾閱者展卷了然

一 舊志祇三十餘頁然自昔相傳吉光片羽皆是邦之實錄也是編悉行采入不敢妄刪一字

一 舊志之外惟秦州志中分隸徽邑者或有補前志之所未及是編采集不遺惟秦州志體尙繁富間

徽縣志 卷一 凡例

三

有附會如漢來歙將兵入蜀遇賊於此列之名宦殊有未安如斯之類不一而足是編悉行核實不敢雷同

一 疆域志凡山川形勝道里遠近以及鎮所坐落山隘要路皆親歷其境瞭如指掌不敢如空中樓閣海上神山也

一 徽邑無藏書家建置沿革考據爲難惟歷朝正史存貯學宮是編於史家所載細爲采輯數年以來

伯魁公餘之暇與培園挑燈稽古煞費苦心

一職官志列官師名宦兩門政績無考但存其名而已其著有宦績者列於名宦謹從蓋棺論定之例詳稽博訪綴以小傳至現列仕途雖勲業爛然未敢列入以待將來

一舊志距今百有餘年文獻無存人物一志何從下筆其間孝義之士節烈之女惟業已請旌及當道給匾者尙有卷冊可稽此外則幾與草木同腐

徽縣志

卷一 凡例

四

已伯魁於嘉慶七年下車之日卽慨焉傷之爰遍告紳士凡孝子順孫義夫節婦許其子孫竝隣里鄉黨據實具呈批給匾額令禮房詳記冊檔日積月累彙聚遂多故從事斯編雖始於丙寅而區區之心則八年以來未嘗一日忘也

一忠孝節烈採訪宜詳是編於冊檔之外續行編入者則山生耀祖杜生發春等詢訪窮鄉之所得也聞揚潛德數子力焉書成後延王生嘉善校讐頗

爲盡心

一是偏寓賢專就沒於斯土者而言其偶焉託足仍  
反首邱者概不列入故賢如子美雖爲邑乘之光  
亦祇於藝文志中存其同谷數詩而已

一藝文志所采詩文皆有關於斯土者此外雖鴻篇  
鉅製不敢攔入不朽錄開益錄照膽錄三序所以  
存其書名亦藝文志之例也

一伯魁網羅古蹟修舉廢墜隨時紀述遂多弁鄙之

徽縣志

卷一 凡例

五

詞貽譏爾雅僅堪覆瓿而已書院諸子請附之藝  
文之末辭謝再三重違其意爰汰而存之聊記其  
實非敢以敝帚之享爲買菜之益也

一是編雖有前書實同草創聊殫壹得愧乏參長所  
冀大雅君子續爲脩輯文其固陋正其謬誤以成  
完書非特伯魁之幸亦是邦之幸矣企予望之

伯魁謹識

修志姓氏

直隸秦州徽縣知縣海鹽張伯魁纂修

稽訪恩貢生山耀祖

候銓直隸州同拔貢生袁俊章

舉人程顯德

分校廩生蔣裕

廩生仇西固

增生魏鴻學

廩生張師旭

副貢生賀登舉

抄志廩生梁負棟

廩生王裕仁

徽縣志

卷一 姓氏

六

廩生劉啟渠

增生山毅

庠生高正志

庠生郭靖

增生高熙志

校刊廩生張師昭

廩生張光渠

增生王嘉善

徽縣志目錄

疆域志 星野 邱墓 圖 里至 形勝 山水 古蹟  
八鎮 屯所 山隘要路

沿革志 沿革 載記 郡縣 源流 兵戎 雜記

建置志 城池 坊表 公署 學校 營汛 驛遞 附寺院  
廟宇 壇壝

職官志 官師 名宦

選舉志 進士 附例 貢監 舉人 薦辟 貢士 武舉  
武職 軍功

人物志 鄉賢 節烈 忠義 孝行 寓賢 仙釋

食貨志 賑卹 課稅 會計 戶口 田賦 經襍  
兵餉 物產 風俗 災祥

徽縣志 卷一 目錄 七

幻異 詳 附救荒七 河池誌災

藝文志 玉音 記 詩 疏表 傳 碑 補遺

星野

隋書曰鳳州為鶉首分

Vertical columns of text, likely a table of contents or index, containing various characters and symbols.

徽縣志

卷一圖

輿地全圖



南


# 村鎮圖



# 徽縣志

## 卷一圖

二





徽縣志

卷一圖

三

城池圖






青泥山圖

徽縣志

卷一圖

四



徽縣志

卷一圖

五



徽縣志卷之一

疆域

徽縣古河池從來用武之地也襟要隴蜀形勝險阻百二疆場實有賴焉封內山川秀美若杜甫之美栗亭李白之賦青泥靈踪勝跡膾炙人口舊志志山水祇十數其餘僅備其名無方隅道里之可按前人有荒畧之嘆已今者不辭艱遠履層岩歷險隘山尋其脈水問其源一邱一壑有非目覩而

徽縣志

卷一

疆域

一

身親者不敢妄誌其歷代之古蹟邱墓與夫名物景勝民里屯旗又復廣爲搜輯彙爲一編後之君子可以覽焉志疆域第一

治在秦州南二百七十里廣一百八十里袤一百二十里城東十五里桐樹埡又五里二十里舖又二十里永寧鎮自鎮東逾河經玉堂山二十里杏樹崖又十里至簸箕灣距城七十里交兩當縣界城西五里石渚溝又十五里羅家河又十里下店村自村

西五里逾河又五里至烟墩距城四十里交成縣川

界城西南十五里姚家坪又五里馬房壩又二十

里大河店自此折東南行五里王家河又東南十五

里至大石碑距城七十里自王家河經大石碑至江口人馬厲度单身負販者

由石交漢中府畧陽縣界城北少東十里銀杏鎮編行

又二十里峽門又十里火鑽站又二十里榆樹壩又

二十里大沙坡又五里小沙坡又五里木蘆川又十

里至高橋交秦州界距城一百里城北少西十五

里張家坪又西北五里宏化寺又十里賀家店又十

里剡家缺又二十里由隴川又二十里江洛鎮又三

十里殷家溝又三十里蘇沿河又五十里至大門鎮

距城一百九十里交秦州黑林溝界

西北至蘭州省城九百八十里

東北至京師三千四百里

巖山環峙江水合流東接連雲西盤百頃關隘扼喉

溪谷張翼為秦隴之藩屏控巴蜀之門戶鞏昌舊志形勝

鞏昌舊志形勝

縣接秦隴本漢河池故縣而地控天水連漢中稱  
要害隴蜀有事河池在所必爭公孫述併漢中據河  
池以拒漢軍來翕克之而蜀人大震梁貞明初蜀岐  
相攻蜀人出河池遂兼秦鳳宋保蜀口亦置戍河池  
以絕北邊窺伺之路元兵入蜀河池降而鳳州以南  
次第淪沒河池介秦鳳間未可以散地論矣通志形勝

### 八景

徽志州志咸載八景其曰岩院晨鐘太白靈湫久經廢涸如清江曉渡之類亦未典確茲

## 徽縣志

### 卷一

疆域 八景

三

復詳加審定  
譔次於左

嘉陵春漲 縣南五十里江流環帶鐵山西奔蜀口

二三月桃花水發群山衆壑爭赴一江洶湧澎湃

驚濤萬狀山嵐水氣鬱作奇觀

昧谷朝霞 栗亭舊縣以兌山爲西屏中有五峯峙

結曰朝陽山方輿勝覽卽昧谷和仲所宅日出時

紅霞建標遠浮蓬島近接嵐光

仙關雪霽 仙人關去勝金坪三里由關下直西接

長舉舊址夾岸崇嶺峻壁一江如帶盤曲十餘里  
雲根石壑絕遠塵蹤時則積雪新晴鳥穿古樹人  
坐漁磯宛然圖畫

文池秋色 城西二十里繞馬房壩度平岡二三里  
許方塘四十畝湛然渟滃傳爲太白靈湫從此池  
中自產角菱神魚遊泳其中白露涓涓溪月同色  
菱香波影如聽櫂聲

川岸柳鶯 城南五里有下川東北十里有中川北  
二十里有上川舊號三川連田阡陌碧柳參天春  
日綠陰颭水雪浪薄雲坐聽鶯鳴笙簧流韻

鳳堂烟雨 城西宣靈王廟側曰鳳堂邑中文人吟  
社瑯璈傑閣古柏濤聲幽爽可愛維山雨欲來時  
溪雲四出襍以萬家烟火極目迷離雲霄縹緲

銀春夕照 江口川而南山境盤紆十里至銀春崖  
相傳崖有銀柱其光燭遠千仞石壁峭拔空青一  
線江流澄清澈底對岸噴吭鳥道阻絕人行暮色

晚霞一邑勝槩

峽口噴珠 城北三十里曰雲烟峽衆山環翠巨石  
坪開青椒雨壁夾立如門俗謂峽門乳泉下石覆  
如幕泉自石罅中迸珠而下潺潺雨聲厭浥裾袂  
又四景

龍洞飛英 洞在半山深谷中幽邃莫測首尾內有  
湫池惟農民禱旱得止每旦雲氣一縷浮空而出  
所向之方卽雨

嶽縣志

卷一

八景

五

鐵山樵唱 山則特出諸峯江流夾岸選勝者每謂  
茲山可滌塵慮冰雪漫天空谷中惟傳樵夫賡唱  
之聲

時春觀禾 時春閣雲山四面可以眺遠平川負郭  
夏畦菜圃舉在目前麥浪黃雲身雖不必在田間  
目之所極佳與斯會

荷池挹露 城西隅池塘十畝沿堤垂柳蔭翳植以  
荷花蹄尾動數十遊者流觴挈榼往往載月而歸